

Na osnovu člana 103. stav (1) tačka c) Zakona o visokom obrazovanju u HNK, članova 72., 128. stav (1) tačka c), 163. stav (1) Statuta Univerziteta „Džemal Bijedić“ u Mostaru, a u skladu sa članom 12. i 13. Pravila studiranja na III ciklusu studija i sticanja zvanja doktora nauka na Univerzitetu „Džemal Bijedić“ u Mostaru i Odluci Senata, broj: 101-3121/18 od 28.12.2018.godine, Senat Univerziteta „Džemal Bijedić“ u Mostaru raspisuje

**JAVNI KONKURS  
ZA UPIS DRUGE GENERACIJE POLAZNIKA NA DOKTORSKI STUDIJ  
EVROPSKOG PRAVA IZ PRAVNIH NAUKA NA PRAVNOM FAKULTETU  
UNIVERZITETA „DŽEMAL BIJEDIĆ“ U MOSTARU**

<b>Naziv studija:</b>	Doktorski studij Evropskog prava
<b>Nivo:</b>	treći ciklus studija
<b>Model:</b>	treći ciklus u trajanju od tri godine
<b>Broj ECTS bodova:</b>	180 ECTS (60 ECTS po godini studija – 3 godine studija) (30 ECTS po semestru studija – 6 semestara studija)
<b>Vrsta studija:</b>	akademske studije
<b>Zvanje:</b>	doktor pravnih nauka iz oblasti Evropskog prava
<b>Oblast obrazovanja:</b>	društvene nauke – pravo – evropsko pravo
<b>Način izvođenja:</b>	redovne studije, u sjedištu, u trajanju od šest semestara
<b>Cijena doktorskog studija:</b>	15.000,00 KM (2.500,00 KM po semestru)

Doktorski studij, u trajanju od šest semestara, izvodi se na **modulima**:

1. Građansko i porodično pravo
2. Krivično pravo
3. Ustavno pravo

Upis druge generacije polaznika doktorskog studija iz pravnih nauka organizirat će se samo pod uvjetom da se za upis prijavi dovoljan broj kandidata, o čemu će odluku donijeti Naučno-nastavno vijeće Pravnog fakulteta Univerziteta „Džemal Bijedić“ u Mostaru.

## **USLOVI ZA PRIJAVU**

### **1. uslovi upisa na studijski program**

Pravo prijave na konkurs za upis na doktorski studij imaju kandidati koji ispunjavaju jedan od sljedećih uslova:

- a) završen studij II ciklusa iz oblasti pravnih ili drugih društvenih ili humanističkih nauka sa najmanje 300 ECTS bodova s najmanjom prosječnom ocjenom 8,00 ili ekvivalentna vrijednost na prvom i na drugom ciklusu;
- b) po ranije važećim propisima završen pravni fakultet u trajanju od najmanje 8 semestara s najmanjom prosječnom ocjenom 8,00;

c) po ranije važećim propisima završen magistarski studij iz oblasti pravnih ili drugih društvenih ili humanističkih nauka, te stečeno zvanje magistra pravnih nauka ili magistra drugih odgovarajućih nauka, s najmanjom prosječnom ocjenom 8,00;

d) po ranije važećim propisima stečeni ekvivalent akademskom zvanju magistra (specijalist), a u I i II ciklusu završen pravni fakultet ili stečen ekvivalent na II ciklusu na pravnom fakultetu, s najmanjom prosječnom ocjenom 8,00 uz obavezu polaganja razlike predmeta;

e) završen studij iz alineje (a) ili stečeno obrazovanje iz alineje (b) ili stečeni naziv iz alineje (c) s najmanjom prosječnom ocjenom 7,5 uz dvije preporuke predmetnih nastavnika sa prethodnih ciklusa studija koje je kandidat pohađao;

f) završen studij iz alineje (a) ili stečeno obrazovanje iz alineje (b) ili stečeni naziv iz alineje (c) ili završen studij iz alineje (d), pod uvjetom da kandidat ima najmanje dva objavljena naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIEp i da je najmanje jedan rad javno prezentiran na međunarodnim naučnim konferencijama.

Svi kandidati treba da posjeduju znanje engleskog ili drugog stranog jezika važnog za oblast studija.

Prilikom upisa na studij kandidati koji nisu završili pravni studij I ili II ciklusa, ili nisu stekli zvanje magistra pravnih nauka, Vijeće studija određuje ispite iz programa I i II ciklusa pravnog studija koje ti kandidati treba da polože da bi im se odobrio upis na studij. Izuzetno, Vijeće studija može odobriti da takvi kandidati upišu pripremni semestar u kojem bi ovladali, po individualiziranom programu, odgovarajućim sadržajem iz programa I ili II ciklusa pravnog studija u obimu do 30 ECTS bodova. Sadržaj individualiziranog pripremnog semestra određuje, u skladu s prethodno stečenim znanjima, posebna komisija imenovana od Vijeća studija.

Kandidatima koji su završili studij I i II ciklusa iz oblasti pravnih nauka priznaje se 18 ECTS bodova (položeni predmeti: Metodologija pravnih nauka i Evropska pravna tradicija).

Kandidatima iz tačkaka c. priznaje se 60 ECTS bodova (I semestar: 30 ECTS; II semestar: 30 ECTS). Upisuju III semestar doktorskog studija

Kandidatima koji su upisali magistarski studij iz oblasti pravnih nauka ili drugih društvenih ili humanističkih nauka, ali taj studij nisu završili (ostala im izrada i odbrana magistarskog rada), priznaju se 52 ECTS bodova (I semestar: 30 ECTS; II semestar: 22 ECTS za 2 obavezna predmeta). Upisuju II semestar, u okviru kojeg imaju obavezu položiti 1 izborni predmeta (8 ECTS).

Svi ostali kandidati upisuju I (prvi) semestar doktorskog studija.

## **2. uslovi prelaska sa drugih studijskih programa**

Planirana struktura i organizacija doktorskog programa, zasnovana na ECTS sistemu bodova, omogućava otvorenost i mobilnost studenata:

- Studenti ovog studija mogu upisati kolegije i na drugim odgovarajućim programima na Univerzitetu, kao i na drugim univerzitetima u zemlji i inostranstvu;
- Studenti drugih doktorskih programa koji se izvode na drugim studijima mogu upisati kolegije ovog doktorskog programa;
- Mogućnost upisa je otvorena stručnjacima iz drugih oblasti društvenih i humanističkih nauka.

**Rok prijave:**

Konkurs ostaje otvoren 15 dana od dana objavljivanja u dnevnoj štampi i na web stranicama Univerziteta „Džemal Bijedić“ u Mostaru i Pravnog fakulteta Univerziteta „Džemal Bijedić“ u Mostaru.

**Prijave se podnose poštom (preporučeno) ili lično na adresu:**

**Univerzitet „Džemal Bijedić“ u Mostaru, Pravni fakultet  
Sjeverni logor b.b., 88104 Mostar**

uz naznaku: Prijava na Konkurs za doktorski studij

**Uz prijavu u kojoj se navodi odabrani modul obavezno se prilažu dokumenti:**

- biografija sa opisom stručne i naučne aktivnosti;
- izvod iz matične knjige rođenih (ovjerena kopija);
- uvjerenje o državljanstvu (ovjerena kopija);
- pasoš ili drugi adekvatan dokument za strane državljane (ovjerena kopija);
- potvrda o poznavanju stranog jezika
- diplomu o završenom VII/1 stepenu stručne spreme ili diplomskom akademskom studiju ili poslijediplomskom naučnom magistarskom studiju (ovjerene kopije);
- uvjerenje o položenim ispitima sa ostvarenim prosjekom ocjena iz prethodnih ciklusa studija;
- preporuke najmanje dva profesora (prilažu samo kandidate koji ispunjavaju uslove upisa iz tačke e);
- ispisnica sa poslijediplomskog naučnog magistarskog studija (prilažu samo kandidati koji se prijavljuju za upis u II semestar);
- dokazi o objavljena najmanje dva naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIEp i da je najmanje jedan rad javno prezentiran na međunarodnim naučnim konferencijama (prilažu samo kandidati koji ispunjavaju uslove upisa iz tačke f).

Izvedbeni plan poslijediplomskog doktorskog studija objavljen je na web stranici [www.pf.unmo.ba](http://www.pf.unmo.ba)

Sve potrebne informacije mogu se dobiti putem e-maila: [pf@unmo.ba](mailto:pf@unmo.ba) ili putem telefona: + 387 (0)36 514 230.